

الآه وما قبلها

اه تنهيدة مش شرط..

تطلع لما حاجة توجعك..

دي وحل اتجمع فيك..

من كام كلمة جرحتك وعدتها..

وكام دمعة مسكتها وردتها..

وكام طعنة استقبلتها الروح..

لما ملقتش حد يسمعك!

آه تصبيرة..

للحرقة..

وطبطقة للوحدة..

ونعمة لحفظ الوعي..

بنسمعها ف وطنا كثير..

من كل بائس فقير..

محلطوش غير حلمه،

والسعي!.

بنسمعها من اللي ملهش مكان يحضنه..

من اللي ملهش حق الاختيار..

ورأيه مش مسموع..

من اللي واكله الجوع..

والغربة والفرهدة.

آه..

ضحكة بيدارى وراها هموم..

حيلة المظلوم..

صرخة الدنيا..
لما البشر على بعضها تقسى..
لما سواقي الايام تدور..
وترميك بعيد عنك..
لما تبعدك..
عن كل شيء حبيته..
عن الي منك
آه نبرة وجع..
لما تطلع بيطلع وياها نص الالم..
فلما عرف المجتمع..
شلها من دستوره..
وضاف مكانها كلمة نعم!!